

## ARTICULUS VI.

## In quibusnam actibus sit homo generatim liber.

101. Ostendimus in praecedenti articulo libertatem homini inesse in multis actibus; nunc opera pretium est quædam assignare genera operationum, quarum respectu sit, vel non sit homo liber. Quia in re illud probe notandum venit, quoniam inter prærequisita voluntatis ad operandum recensetur prævia cognitio et propositio objecti, ex dupli generatim capite libertatem deficere in actu voluntatis posse, primo ex defectu judicii vel cognitionis requisitæ, ac deinde ex habitudine ipsius voluntatis ab objectum.

PROPOSITIO 1.<sup>a</sup> Homo non est liber in illis actibus, qui non possunt dirigi iudicio rationis, sufficienter rem considerant.

Probatur 1.<sup>a</sup> ex communi hominum sensu, indicatis variis generibus aut statibus hominum libertate carentium, quales sunt pueri nondum rationis usum adepti, furiosi, ebrii amentes ac somniantes, in quibus licet adsint operationes intellectus, et consequenter etiam voluntatis, nam sæpe ratiocinantur de objectis spiritualibus; nihilominus nulla est libertas ex communi sentientia, quia nempe iudicium illorum non satis firmum et expeditum est ad res discernendas (1). Ob eamdem rationem Theologi morales communiter docent motus, quos vocant *primo-primos*, non imputari, quia, cum præveniant omnem rationis deliberationem, liberi esse non possunt. Itemque concupiscentia, quam dicunt antecedentem, et etiam metus interdum, perturbando penitus iudicium rationis, possunt tollere libertatem actus, et consequenter imputabilitatem ejus; quamvis generatum non eo usque progradientur, ideoque plerunque dicuntur a Theologis non tollere, sed imminuere duntaxat voluntarium ac liberum (2).

(1) Vide *Psycholog.* vol. 2.<sup>um</sup>, num. 341, pag. 1143 seqq.; num. 358, pag. 1177 seqq.

(2) Vide S. Thom. 1. 2. quest. 10, art. 3; quest. 73, art. 6; quest. 77. art. 1, 2, 6, 7.

Et pro gradu, quo per concupiscentiam et metum imminuitur libertas, imminuitur quoque imputabilitas. Quandonam autem passio non solum imminuat, sed etiam penitus libertatem actus auferat, valde arduum erit definire; nec potest nisi ex adjunctis bene persensis judicari, quando passio ita perturbaverit mentem, ut non possit hic et nunc sufficiens iudicium de natura et moralitate actus efformare. Quod quidem in magnis patrandis criminibus et circa actus in generalioribus notioribusque legis naturalis principiis contentos, rarissime videtur accidere; et in homine cæteroquin sano, vix nisi in casu aliquo subitaneo et inopinato.

Prob. 2.<sup>a</sup> a priori. a) Quia cum omne liberum sit voluntarium, actus liber necessario supponit præviam cognitionem finis vel boni, que requiriunt ad rationem voluntarii. Ergo actus, qui tendunt versus aliquid objectum, liberi esse nequeunt, saltem respectu earum rationum objectivarum vel formalitatum, qua ex defectu cognitionis aut sufficientis advertientiae nequeant dici voluntaria. b) Præterea etiamsi adsit cognitionis sufficiens ad constituendum actum voluntarium, potest hic non esse liber, si nequeat illa satis secundum veritatem iudicare, nec bonum a malo discernere, nec adiuncta, quae ad rem spectant, prout oportet, considerare, ut appareat, quid conveniat, vel non conveniat. Qui enim in eo statu constitutus est, ut nequeat de his, quantum satis est, iudicare, planum est, quod non possit sic et nunc habere cognitionem requisitam ad hoc, ut voluntas indifferentiam suam activam exerceat circa objectum.

Non desunt tamen quidam scriptores (1), qui distinguentes inter libertatem physicam et moralem, negent quidem secundum pueris et amentibus, immo et somniantibus, sed concedant primam, que, quamvis non sufficiat ad merendum vel demerendum, satis sit, ut operationes aliæque vere dicantur esse in eorum potestate: cui sententie

Utrum in  
pueris,  
amentibus et  
somniantibus  
ad sit libertas,

(1) Corduba et Victoria apud Salas (In 1.<sup>am</sup> 2.<sup>um</sup> tract. 1, disp. 1, sect. 1, num. 3<sup>a</sup>; Molina (*Concord.* quest. 14, art. 13, disp. 2, ad 2.<sup>um</sup>), Hurtado, Granado et Pontius Scotista apud P. Quiros (*Curs. philos.*, tract. 4 de anim., disp. 88, sect. 2, num. 14), ac denique P. Soarez lusitanus (*de anim.* tract. 6, disp. 2, sect. 2; paragr. 6, num. 108, 159.)

favet ipsemet P. Suarez, cum docet amentes, «cicet.... non possint exercere judicia practica in ordine ad mores honestos aut pravos, quia cognitio honestatis requirit perfectum rationis usum et integrum judicium, posse «tamen habere judicium practicum de re ut hic et nunc operabili et convenienti sub aliqua inferiori ratione, ut est ratio delectabilis vel ratio convenientis aut disconvenientis animali nature, que repertur in sanitate v. g. et utilitate, que est in medio respectu talis finis» (1). Verum communior est ac verius sententia, quam tenent cum S. Thoma (2) S. Bonaventura (3) et aliis veteribus PP. Salas (4), Fonseca (5), Azor (6), Quirós (7), Llossada (8), Batholomæus Medina (9), et alii, negans pueris, ebris, amentibus et somniantibus quamcumque libertatem, etiam physicam. Et ratio est, qui si in ejusmodi hominibus «datur libertas physica, absurde sequitur dari quoque libertatem moralem: falsum quippe est, quod non percipient bonum honestum, aut malum oppositum, cum amentes non raro disserant de vitiis et virtutibus, et alios hortentur ad honeste vivendum, aut a peccando deterrent, proposito timore Dei, etc. Somniantes etiam non raro sibi proponunt objecta ut moraliter bona et præcepta, vel ut prohibita et peccaminosa; et interdum appetitui resistunt ex motivo honestatis, interdum vero passioni turpi consentiunt non sine quodam conscientie remorsu ex apprehensione peccati. Unde solent in sommo se prodere habitus virtutum aut vitorum, in vigilia adquisiti⁹ (10). Præterea donec ab adversariis ostendatur radix aliqua impedimenti specialis, nulla appetitui ratio, cur prædicti homines sufficienter deliberent, ac firmum expeditumque judicium habeant ad recte ratiocinandum in

(1) Suarez, *Metaphys.* disp. 23, sect. 7, num. 13.

(2) *De verit.* quest. 24, art. 2, ad 1.<sup>us</sup>; 4.<sup>z</sup> dist. 9, quest. 1, art. 4, sol. 1.<sup>z</sup> ad 3.<sup>us</sup>; 1. 2. quest. 10, art. 3.

(3) 2.<sup>z</sup> dist. 25, art. 1, quest. 6.

(4) In 1.<sup>am</sup> 2.<sup>z</sup>, tract. 1, disp. 4, sect. 1, num. 8.

(5) *Metaphys.* lib. 6, cap. 2, quest. 2, sect. 3.

(6) *Instit. Moral.* lib. 1, cap. 9, quest. 7.

(7) Loc. cit. num. 15.

(8) *De anim.* disp. 9, cap. 1, num. 13, 14.

(9) In 1.<sup>am</sup> 2.<sup>z</sup> quest. 10, art. 3.

(10) Llossada, loc. cit. num. 13.

alii materiali, et non in re morali, cum potissimum in hac non sit magna difficultas, saltem quantum ad notiora quedam dictamina, que sponte videntur innotescere, ac familiarissima redduntur disciplina et educatione, immo et naturali mentis evolutione. Atqui tamen communis omnium et certa sententia est in re morali non inesse prædictis hominibus deliberationem et sufficientem rationis usum; secus enim daret profecto moralis libertas. Ergo neque in aliis materiali admittendum est judicium ac discretio, que satis sit ut physica sequatur libertas. Unum tamen notatum velim, mihi quidem videri in amentibus monomaniacis, qui in uno altero genere duntaxat insamunt, in aliis rebus, circa quas sanissimo polent judicio, posse dari libertatem.

102. Sed jam quærendum est, in quo actuū genere adsit libertas, spectata voluntatis habitudine ad objectum, etiamsi firmum, integrum et expeditissimum præcedat rationis judicium. Quia in re multorum est sententia, dicentum voluntatem non esse liberam in amore atque intentione finis, sed tantum in mediorum electione. Hac tamen assertio, prout jacet, nimis vaga est, et potest habere verum ac falsum sensum. Quare ut distinctius et accuratius loquamur, in primis oportet animo recolere duplē illam libertatem et necessitatem, quoad specificationem et quoad exercitum, itemque divisionem finis in proximum vel particularem et ultimum seu universale. Finis particularis est «quodlibet bonum privatum, quod propter se amatur, ut sanitas vel scientia ultimus vero dicitur ipsa felicitas hominis, sive haec constituantur in aliqua re determinata, sive in communi sumatur, vel sub formali ratione beatitudinis absolute, vel sub universaliori ratione boni in communis» (1).

In quo actuū  
genere  
ad sit libertas,  
spectata  
voluntatis habi-  
tudine  
ad objectum.

103. PROPOSITIO 2.<sup>z</sup> Voluntas circa finem ultimum sub universalis boni vel felicitatis ratione non habet libertatem quoad specificationem, sed tantum quoad exercitum.

Probatur prima pars: Voluntas circa finem ultimum non habet libertatem quoad specificationem 1.<sup>z</sup> Experientia, quia,

Voluntas  
circa finem  
ultimum

(1) Suarez *Metaphys.* disp. 15, sect. 8, num. 8.

sub universalis  
boni vel  
felicitatis ratio-  
ne non habet  
libertatem  
quod  
specificationem,  
ut sepe ait S. Augustinus (1), et norunt omnes, si quis  
interrogetur, utrum velit esse beatus, nemo est, qui respon-  
deat se noille. Et idipsum dicatur de bono in communi.  
2.<sup>o</sup> At idem quoque probat manifeste ratio. Etenim non ad-  
est libertas quod specificationem circa illud objectum, in quo  
nulla mali ratio apprehenditur, sed quod secundum omnem  
considerationem bonum appetit. Cum enim voluntas nequa-  
tidio habere bonum, sed tantum velle et amare, ut constat ex  
superioris demonstratis (2), reliquum est, ut circa objectum  
undeque bonum nequaet exercere nisi actum prosecutio-  
nis. Atqui in ratione objectiva boni universalis vel felicitatis  
nulla potest apprehendi malitia. Ergo.

*Probatur secunda pars: Habet libertatem quod exercitium.*  
1.<sup>o</sup> Experiens, quia quamvis occurrat cogitatione boni in com-  
muni vel felicitatis, experiri quisque potest, se non pertrahi  
ad *actualem* amorem illius, sed posse cohibere actum quem-  
vis voluntatis circa tale objectum. Ergo ratio boni universa-  
lis et felicitatis talis est, ut quamvis voluntas, supposito quod  
velit actum ponere, adigitur ad ponendum actum amoris et  
non odii, nihilominus possit etiam nullum ponere, seu libera-  
sit quod exercitium. 2.<sup>o</sup> *Probatur ratione*, tum quia potest  
voluntas avertire cogitationem beatitudinis in communi et boni  
universalis, quando occurrit, et sic non sequetur actus ipsius  
voluntatis (3); tum quia licet in ipsa ratione objectiva boni  
vel felicitatis in communi non deprehendatur illa malitia,  
non tamen repugnat, ut ipse actus exercendus circa illa pos-  
sit apprehendit malus, vel minus conveniens, sive quia mo-  
lestiam, difficultatem aut incommodum aliquod affert, sive  
quia necessarius non est ad assequendam hic et nunc beatitu-  
dinem, etc., unde e converso potest apprehendi ut bona et  
conveniens omissione actus hujusmodi (4).

(1) Vide S. August. de Trinit. lib. 13, cap. 4; et de liber.  
arbitr. sepe.

(2) Vide supra num. 4, pag. 8 seqq.

(3) S. Thom., de malo, quest. 6, artic. unio ad 7.<sup>um</sup>

(4) S. Thom. 1. 2. quest. 13, art. 6. Rationem hanc praeclare  
exposuit P. Franciscus Suarez, cum habeat scripsit: «Voluntas quando-  
fertur in objectum, non solum vult objectum, sed etiam virtute vult

Atque hec est communis Theologorum et Philosophorum  
catholicorum doctrina, non semel a S. Thoma tradita (1).  
Quare S. Doctor sepe scripsit voluntatem in actu, quo tendit  
in felicitatem et bonum in communi, se habere instar naturæ  
cujusdam, ac determinationem et inclinationem naturalem, a  
Deo inditam voluntati respectu ejusmodi boni, esse funda-  
mentum et conditionem necessariam ad hoc, ut voluntas uta-  
tur sua libertate circa bonorum finitorum et particularium  
appetitionem. *Natura*, inquit Aquinas, *et voluntas hoc modo*  
*ordinata sunt, ut ipsa voluntas quædam natura sit; quia omne*  
*quod in rebus inventur, natura quædam dicitur*. Et ideo in

Inclinationis  
naturalis vo-  
luntatis  
in bonum in  
communi est  
conditio et  
fundamentum  
cuicilibet  
particularis  
appetitionis.

exercitium sui actus, quia est intrinsecè voluntarius, ut supra decla-  
ratum est; et ideo, ut voluntas necessitetur quod exercitium, neces-  
sarium est, ut homo apprehendat, et judicet tale exercitium hic et  
nunc ut bonum simpliciter necessarium, ita ut carentia talis actus  
sub nulla ratione boni apprehendi possit; hoc autem in hac vita  
nunquam accidit circa aliquem actum voluntatis, ut experientia no-  
num est, et quia nulla est ratio vel occasio talis necessitatis. Quod si  
quis fingat aliquem ex errore habere hic et nunc tale judicium de  
aliquo objecto et exercitio actus circa illud, concedam facile ex hypo-  
thesi talem hominem necessario operaturum; dico tamen suppositionem  
humano modo esse impossibilem in homine non stupido, aut  
qui non caret sufficiente rationis usu». Suarez, *Metaphys.* disp. 19,  
sect. 8, num. 14.

(1) Vide S. Thom., 1 p. quest. 82, art. 2; 1. 2. quest. 10, art. 2;  
quest. 13, art. 6, de malo, quest. 6; art. unic. corp. et ad 7.<sup>um</sup>; de  
verit. quest. 22, art. 5. Vide etiam Suarez, *Metaphys.* disp. 19,  
sect. 8, num. 15.

*Voluntas*, inquit S. Doctor, *moveatur dupliciter: uno modo qua-*  
*tum ad exercitium actus, alio modo quantum ad specificationem actus,*  
*qua est ex objecto. Primo ergo modo voluntas a nullo objecto ex neces-*  
*sitate moveatur; potest enim aliquis de quocumque objecto non cogitare,*  
*et per consequens neque actu velle illud. Sed quantum ad secun-*  
*dum motionis modum voluntas ab aliquo objecto ex necessitate move-*  
*tur, ab aliquo autem non. In motu enim cuicilibet potentia a suo*  
*objecto consideranda est ratio, per quam objectum moveat potentiam.*  
Visible enim moveat visum sub ratione coloris actu visibili; unde, si  
color proponatur visui, ex necessitate moveat ipsum, nisi aliquis visum  
avertat, quod pertinet ad exercitium actus. Si autem proponeretur  
aliquid visui, quod non omnibus modis esset coloratum in actu, sed  
secundum aliquid esset tale, secundum autem aliquid non tale, non  
ex necessitate visus tale objectum videret; posset enim intendere in  
ipsum ex ea parte, qua non est coloratum in actu, et sic ipsum non vi-  
deret. Sicut autem coloratum in actu est objectum visus, ita bonum

voluntate oportet invenire non solum id, quod voluntatis est, sed etiam quod naturae est. Hoc autem est cuiuslibet naturae creare, ut a Deo sit ordinata in bonum, naturaliter appetens illud. Unde et voluntati ipsi inest naturalis quidam appetitus sibi convenientis boni: et praeter hoc habet appetere aliquid secundum propriam determinationem, non ex necessitate, quod ei competit, in quantum voluntas est. Sicut autem est ordo naturae ad voluntatem, ita se habet ordo eorum, quae naturaliter vult voluntas, ad ea, respectu quorum a se ipsa determinatur, non ex natura. Et ideo, sicut natura est voluntatis fundamentum, ita appetibile, quod naturaliter appetitur, est aliorum appetibiliuum principium et fundamentum. In appetibiliibus autem finis est fundamentum et principium eorum, quae sunt ad finem, cum que sunt propter finem, non appetantur nisi ratione finis. Et ideo quod voluntas de necessitate vult, quasi naturali inclinatione in ipsum determinata, est finis ultimus, ut beatitudo, et ea qua in ipso includuntur, ut est cognitio veritatis, et alia hujusmodi; ad alia vero non de necessitate determinatur naturali inclinatione, sed propria dispositione absque necessitate» (1).

104. PROPOSITIO 3.<sup>a</sup> Voluntas circa fines particulares bonaque concreta et particularia libertate gaudet non solum quoad exercitium, sed etiam quoad specificationem; nisi forte illa ad ipsam naturalem hominis constitutionem spectent, vel sint necessario connexa cum felicitate.

*Voluntas circa fines particulares bonaque*  
Patet ex precedentibus propositionis argumentis; quia sive experientiam sive rationem consulamus, plane comprehendimus, est objectum voluntatis. Unde, si proponatur aliquid objectum voluntatis, quod sit universaliter bonum et secundum omnem considerationem, ex necessitate voluntas in illud tendit, si aliquid velit: non enim poterit vello oppositum. Si autem proponatur ei aliquid objectum, quod non secundum quamlibet considerationem sit bonum, non ex necessitate voluntas fertur in illud. Et quia defectus cuiuscunq[ue] boni habet rationem non boni, ideo illud solum bonum, quod est perfectum, et cui nihil deficit, est tale bonum, quod voluntas non potest non velle quod est beatitudo. Alia autem qualibet particularia bona, in quantum deficiunt ab aliquo bono, possunt accipi ut non bona; et secundum hanc considerationem possunt repudiari, vel approbari a voluntate, quae potest in idem ferri secundum diversas considerationes. S. Thom. 1. 2. quest. 10. art. 2.

(1) S. Thom. de verit. quest. 22. art. 5.

homines generatione non apprehendere v. g. scientiam, canonicatum, magistratum, aliave id genus bona, quorum assecutioni inhant, ceu objecta secundum quamlibet considerationem bona, vel necessario connexa cum felicitate, que proinde valeant respire, nedum ab actuali eorum amore vel intentione absinere. Quod si quis ea per errorum apprehenderet tamquam summum bonum vel beatitudinem suam, jam pro illo desinerent esse fines aut bona particularia, et sic per accidentem necessitaretur quoad specificationem (1).

Additum est in propositione, nisi forte ad naturalem hominis constitutionem spectent, vel sint connexa necessario cum felicitate: quia bona ejusmodi, quamvis sint particularia, eadem ferme necessitate appeti solent, ac ipsa felicitas in communione, prout colligitur ex S. Thoma: Non enim, inquit, per voluntatem appetimus solum ea, que pertinent ad potentiam voluntatis, sed etiam ea, que pertinent ad singulas potentias et ad totum hominem. Unde naturaliter homo vult non solum objectum voluntatis, sed etiam alia, quae convenient alii potentias, ut cognitionem veri, quae convenient intellectui, et esse et vivere et hujusmodi alia, quae respiciunt consistentiam naturalem: quae omnia comprehenduntur sub objecto voluntatis, sicut quædam particularia bona (2). Sicut enim quilibet propriam felicitatem naturaliter amat, ita etiam non potest non seipsum naturaliter amare, et consequenter esse, et vivere, et intelligere, vel cognoscere, quæ sunt constitutivæ ipsius subjecti et fundamentum ac medium necessarium pro ejusdem felicitate (3). Quod si quis per accidentem haec ipsa ut ærumnarum et miseriae fontem apprehendat, potest etiam odio habere per abnormalem mentis et cordis aberrationem, immo et vitam sibi eripere. Hæc ergo, que ad ipsam hominis constitutionem vel consistentiam naturalem, ut loquitur S. Thomas, pertinent, quamvis particularia sint, hoc ab aliis particularibus bonis differunt, quod naturale sit ea appetere, et ipsam felicitatis appetitionem

concreta  
gaudet libertate  
quoad exer-  
citium et  
specificationem,

nisi forte  
ad naturalem  
hominis  
constitutionem  
spectent, vel  
sint necessario  
connexa  
cum felicitate.

(1) Vide S. Thom. 1. p. quest. 82, art. 2; 1. 2. quest. 10, art. 2; de malo, quest. 6, art. unie.

(2) S. Thom. 1. 2. quest. 10, art. 1. Cfr. de verit. quest. 22, art. 5.

(3) S. Thom. 1. 2. quest. 10, art. 2, ad 3.<sup>um</sup>

proxime consequantur tamquam media ad illius assecutionem necessaria.

Dices propositionem hanc aperte videri contra S. Thomam, qui saep scrispsit voluntatem nostram non esse liberam circa finem, sed tantum circa mediorum electionem. — Respondeo, S. Doctorem, cum negat dari libertatem circa finem, intelligendum evidenter esse de fine ultimo, et quidem solum quod specificationem, non vero quoad exercitum (1). Verum jam dicendum est de ipsa felicitate non in communi, sed prout in determinato objecto constituta, nempe in Deo; quamquam controversia haec potius ad Theologiam spectat.

(1) Si... apprehendatur aliquid ut bonum conveniens secundum omnia particularia, quae considerari possunt, ex necessitate movebit voluntatem; et propter hoc homo ex necessitate appetit beatitudinem, quae secundum Boetium (lib. III de Consolat. prosa II), est status omnium bonorum congregatio perfectus. Dico autem ex necessitate quantum ad determinationem actus, quia non potest velle oppositum; non autem quantum ad exercitium actus, quia potest aliquis non velle tunc cogitare de beatitudine, quia etiam ipsis actus intellectus et voluntatis particulares sunt. Si autem sit tale bonum, quod non inventari esse bonum secundum omnia particularia, que considerari possunt, non ex necessitate movebit etiam quantum ad determinationem actus; poterit enim aliquis velle ejus oppositum, etiam de eo cogitans, quia forte est bonum vel conveniens secundum aliquod aliud particulariter consideratum; sicut quod est bonum sanitatis, non est bonum delectationis, et sic de aliis.... Si ergo dispositio, per quam aliqui videtur aliquid bonum et conveniens, fuerit naturalis et non subjacens voluntati, ex necessitate naturali voluntas praevalebit illud, sicut omnes homines naturaliter desiderant esse, vivere et intelligere. Si autem sit talis dispositio, quae non sit naturalis, sed subjacens voluntati, cum aliquis disponitur per habitum vel passionem ad hoc, quod sibi videatur aliquid vel bonum vel malum in his particulari, non ex necessitate movebit voluntas; quia poterit hanc dispositionem removere, ut sibi non videatur aliquid sic, ut scilicet cum aliquis quietat in se iram, ut non judice de aliquo tamquam iratus. Facilius tamen removetur passio, quam habitus. Sic ergo quantum ad aliqua voluntas ex necessitate movetur ex forte objecti, non autem quantum ad omnia; sed ex parte exerciti actus, non ex necessitate moveatur. S. Thom. de Malo, quest. 6, art. unic. Cfr. ibid. ad 7.<sup>um</sup>; et i p. quest. 82, art. 2 fin.; 1. 2. quest. 10, art. 2, ubi hec scribuntur: Si proponatur aliquid objectum voluntati, quod sit universaliter bonum et secundum omnem considerationem, ex necessitate voluntas in illud tendit, si aliquid velit; non enim poterit velle oppositum. Si autem

105. PROPOSITIO 4.<sup>um</sup> Circa bonum infinitum. Deum, intuitive cognitum, voluntas necessitate gaudet; secus vero si tantum abstractive, ut fit in praesenti vita, apprehendatur.

Prima pars constat, quia Deus intuitive cognitus non solum est se in ipsi infinitum bonum, exples plenissime totam capacitatem appetitivam voluntatis, sed etiam talis apparel perfectissima evidenta, ita ut nec in ipso objecto viso nec in eius actuall amore relucere possit ulla ratio defectus, imperfectionis, incommodi vel mali cuiusvis, sed e converso summa perfectio appetentis, summa convenientia, summa honestas, summa delectatio. Unde ex communissima Theologorum sententia in visione beatifica voluntas hominum caret respectu Dei omni libertate, sive quoad specificationem sive quoad exercitum (1).

Altera quoque pars probatur in pratis experientia, ut quisque novit ex testimonio conscientie. Praterea ratione, quia bonum appetitur, prout cognoscitur. Atqui Deus abstractive cognitus non exhibit illum ut hic et nunc expletente capacitatem appetitivam voluntatis, et satiantem omnia desideria nostra, ac proinde non talem, qui necessario hic est nunc amandus sit, quemadmodum ipsa demonstrat experientia. Ergo.... (2). Immo vero amor Dei

Circa Deum  
intuitive  
cognitum volun-  
tas necessitate  
gaudet,

secus vero circa  
Deum abstracti-  
ve cognitum,

proponatur ei aliquid objectum, quod non secundum quilibet con-  
siderationem sit bonum, non ex necessitate voluntas fertur in illud.  
Et quia defectus cuiuscumque boni habet rationem non boni, ideo  
illud solum bonum, quod est perfectum, et cui nihil deficit, est tale  
bonum, quod voluntas non potest non velle, quod est beatitudo. Alia  
autem quilibet particularia bona, in quantum deficient ab aliquo  
bono, possunt accipi ut non bona; et secundum hanc considerationem  
possunt repudiari, vel approbari a voluntate, quae potest in idem ferri  
severata diversas considerationes.

(1) Vide Suarez (*de ultimo fine hominis*, disp. 0, sect. 1 et 2), Valentia (In 1.<sup>am</sup> 2.<sup>um</sup>, disp. 1, quest. 4.<sup>um</sup> punct. 1), Salas (In 1.<sup>am</sup> 2.<sup>um</sup>, tract. 2, disp. 7, sect. 2; et tract. 5, disp. 4, sect. 2), Vazquez (In 1.<sup>am</sup> 2.<sup>um</sup>, disp. 16 cap. 2), Bartholom. Medina (In 1.<sup>am</sup> 2.<sup>um</sup> quest. 4, art. 1 et 4), Cajetan. (In 1.<sup>am</sup> part. quest. 82 art. 1 et 2), Ferrariens. (In lib. 7.<sup>um</sup> *Contr. Gent.* cap. 62), Caprool. (1.<sup>um</sup> dist. 1, quest. 3, art. 1, conclus. 4 et 5), etc. etc.

(2) Vide S. Thom. i p. quest. 82, art. 2 fin.; *de Malo*, quest. ad 7.<sup>um</sup>

abstractive cogniti, ut scribit Suarez, in hac vita «liber est non solum quoad exercitium, sed etiam quoad specificationem. Quia licet Deus secundum se sit universale bonum, apprehendi tamen potest per modum cuiusdam particularis boni, et in eo apprehensi potest aliqua ratio mali seu incommodi, saltem in ordine id effectus ejus. Multoq[ue] magis potest inveniri h[ec]a incommoditas vel difficultas in intentione vel amore ipsius Dei; et ideo facile potest a voluntate refutari, et interdum etiam Deus ipse odio haber[et]» (1).

Quae cum ita sint, voluntas nostra in hac vita ubicunque operatur cum sufficienti advertentia et consideratione objecti, videtur nullum habere actum simpliciter necessarium quoad exercitium, sive circa finem sive circa media, ideoque esse libera libertate contradictionis vel quoad exercitium (2).

Dices. Prima cogitatio hominis naturalis est, quam proinde nequit homo avertere. Ergo amor quoque vel actus voluntatis inde consequens naturalis erit ac necessarius, et sic aliquis actus erit non liber quoad exercitium, quemadmodum docuit Cajetanus (3) et quidam alii (4)—Respondeo, concant., neg. conseq. Et ratio est, quia voluntas, ubi adest deliberatio, «nunquam movetur quoad exercitium, nisi objectum ipsum in suo genere sufficienter concurrat ad illam necessitatem, et omnino sibi subjiciat voluntatem. Sed objectum, quod per primam cogitationem proponitur, non est hujusmodi, quia sepe est quoddam particularē bonum ac desideriū. Ergo....» (5). Itaque licet prima cogitatio hominis sit naturalis, nez possit eam homo non habere pro eo instanti, in quo illam naturaliter recipit, potest tamen «statim ac sufficienter advertit, illam tollere; et hoc est sufficiens, ut voluntas non necessitetur quoad exercitium, cum liberum illi sit vel consentire, vel non consentire, sed divertere cogitationem. Deinde etiam si prima cogitatio sit naturalis, iudicium tamen de objecto deligendo vel non diligendo potest non esse omnino

(1) Suarez, *Metaphys.* disp. 19, sect. 8, num. 15.

(2) Cfr. Suarez, *de voluntar.* et *in voluntar.* disp. 6, sect. 3.

(3) In 1.<sup>am</sup> 2.<sup>us</sup>, quest. 9, art. 4.

(4) Apud Suarez, *Metaphys.* loc. nup. cit. num. 11.

(5) Suarez, *ibid.* num. 11, ubi plura require *ibid.* et num. 12.

naturale, quia, stante illa naturali cogitatione, potest voluntas applicare intellectum, ut ad judicium ferendum magis rem consideret, et inquirat. Quod si intellectus, nondum ita sufficienter adverterit, ut hoc sit in potestate voluntatis, nondum est sufficientis rationis usus actualis, et ideo etiam non est plena libertas; indeque sequuntur motus, quos Theologi vocant indeliberatos» (1).

106 PROPOSITIO. 5.<sup>a</sup> «Libertas voluntatis evidentius et perfectius exercetur in electione mediorum, adeo ut omnis actus liber, quatenus talis est, participet aliquo modo rationem electionis, et sub ea ratione possit sub consultationem cadere (2).

Hac ratione explicanda et temperanda videtur sententia illorum, qui voluntatem esse liberam duntaxat in electione mediorum, non vero in intentione finis. Declaratur autem, et simul probatur: præclare propositio a P. Suarez, quia ad intentionem finis fertur voluntas, ut alibi declaratum reliquimus (3), in virtute inclinationis naturalis divinitus impressæ, quamvis libere feratur; ad electionem vero mediorum fertur ex vi appetitionis finis, quam voluntas habet. Ergo specialiori modo magisque ex propriis se movet voluntas in electione mediorum, quam in intentione finis. Atqui voluntas eo perfectius operatur libere, quo magis se movet. Ergo stat prima pars propositionis.

Altera vero pars probatur, «quia libertas cujuslibet actus provenit ex variis rationibus, que sunt in objecto vel in ipsomet actu, et ex formali, vel saltem virtuali, collatione earum. Nam, si sit libertas quoad specificationem, oportet quod in objecto sit aliqua ratio boni, propter quam diligi possit, et aliquis defectus vel aliqua ratio mali, propter quam possit odio haberi; si vero sit libertas tantum quoad exercitium, oportet ut vel in objecto, vel saltem in ipsomet actu, sit aliquis defectus vel carentia bonitatis, ob quam possit apprehendit ut hic et nunc disconveniens, vel saltem non necessarius;

Libertas voluntatis evidentius exercetur in electione mediorum,

adeo ut omnis actus liber, quia talis, participet aliquo modo rationem electionis:

(1) Suarez, *ibid.* num. 13.

(2) Suarez, loc. cit. num. 19.

(3) Vide supra, num. 76, pag. 199.

atque ita quoties actus et ejus omissio est libera, sit inter has rationes quædam collatio, explicita aut implicita, et ita etiam fit quædam electio unius actus præ alio, vel unius actus præ omissione ejus, aut e contrario. In hac vero electione unius præ alio, necesse est, ut comparatio fiat in ordine ad aliquod tertium, vel ad aliquam rationem communem, ad quam sit voluntas aliquo modo affecta formaliter aut virtute, ut possit habere aliquod principium vel fundamentum electionis facienda. Nam qui eligit inter bonum honestum et delectabile, certe supponitur affectus ad bonum ut sic, alias non statim eligeret inter specialia bona, sed prius secum statueret, an bonum esset sibi prosequendum; et idem est in omnibus similibus. Sic igitur, licet tendentia in finem particularem, quatenus est motus in aliquod objectum propter bonitatem suam, et in alia propter ipsum, sit amor vel intentio finis, tamen, quatenus est actus liber, quo hoc bonum præfertur aliis, est virtualis electio hujus boni, ut sit medium, vel certe pars felicitatis, quam voluntas intendit in suis actibus. Et ipsem actus intentionis vel dilectionis etiam ultima felicitatis, quatenus hic et nunc exercetur libere, et præfertur ejus carentia vel otio, est virtualis electio, qua talis actus hic et nunc eligitur ut medium ad inchoandam vel obtinendam felicitatem. Atque hac ratione dici solet, omnem intentionem finis particularis esse virtualem electionem felicitatis, ad quam non semper est necesse, ut præcedat intentio elicita ipsius felicitatis, sed sufficit naturalis ac necessaria propensio. Sic igitur omnis consultatio versatur modo proportionato circa electionem, et omnis actio libera participat aliquam rationem electionis; et ideo ipsa formalis ac propria electio, quæ procedit a propria et elicita intentione finis, censetur actione maxime libera; atque hac ratione liberum arbitrium dicitur quasi per antonomasiæ versari circa electionem, quamvis plures alios actus liberos habeat, ut declaratum est (1).

quapropter  
liberum arbitrium  
quasi per  
antonomasiæ  
dicitur versari  
circa  
electionem.

107. PROPOSITIO 6.<sup>a</sup> Quamvis homo, cum efficaciter intendit finem, libertate polleat in plerisque electionibus, potest tamen fieri, ut efficax intentio tollat immedia<sup>m</sup>

(1) Suarez, ibid. num. 15, 20. Cfr. Suarez, *de voluntar. et invenientia*, disp. 8, sect. 4, num. 4.

libertatem electionis; sicut etiam imperium efficax determinatum ac de præsenti videtur tollere immediatam libertatem actus imperati.

Et quæstio est, ut per se patet, de iis electionibus quæ re distinguntur ab intentione.

Prima pars probatur, «utum quia sepe jam non existit physice intentio (licet existat in memoria), cum ad electionem devenirit, tum quia plerunque multa suppetunt media, quorum quodlibet sufficit ad finis assecutionem, quo in casu licet intentio efficax necessitatē vague et indeterminate ad eligendum aliquod medium, non tamen præcise ad hoc vel illud (1).

Quamvis homo,  
cum efficaciter  
intendit  
faciat, libertate  
polleat in  
plerisque  
electionibus;

fieri tamen  
potest, ut effi-  
cax intentio  
tollat imme-  
diatam libertatem  
electionis.

Altera vero pars probatur, quia interdum non nisi unum adest, vel cognoscitur medium ad finem assequendum, ut si v. g. efficaciter intendas Americam petere, necesse tibi erit concendi navigium. Atqui voluntas, quādū durat, efficax intentio finis, non potest non eligere medium, quod *apparet* unicum et necessarium. Secus enim efficax objecti volitio stare posset cum impedimento illius assequendi, cuius removit ex libertate voluntatis penderet, id autem conceptui efficacis intentionis repugnat, cuius ratio in eo stare videtur, quod ex virtute illius sequatur effectus, si possibilis sit, vel si sit in potestate volentis. Ergo ex suppositione intentionis efficacis voluntas non est immediate libera in electione mediū unici et necessarii. Hinc etiam ex communi omnium sensu haec valida habetur argumentatio: *Potes, et non facis? Ergo non vis.* Ideo autem dicuntur ejusmodi electio non esse *immediate* libera; quia mediate et absolute ac simpliciter libere est dicenda, quandoquidem penes ipsam voluntatem est intentionem ipsam efficaciter tollere, et sic etiam ab electione desistere, quia electio solum est necessaria ex suppositione intentionis efficacis; sicut etiam ipsi actus aliarum potentiarum, qui ex libero voluntatis imperio ponuntur, quamvis immediate et in seipsis liberi non sint, liberi denominantur, et sunt mediate propter libertatem voluntatis imperantis. Estque

Quid importet  
efficax intentio.

(1) Vide Lossada, *de anim.* disp. 9, cap. 6, num. 120.

doctrina hujus propositionis communissima inter Doctores (1). Cæterum hæc, quæ diximus de necessitate hujusmodi electionis, videntur intelligenda esse de ipsa ejus, ut itam dicam, substantia; nam etiam electio unici et necessarii medi potest esse libera quoad intensionem actus et quadam circumstantias temporis, loci alias id genus, nisi illæ quoque per ipsam finis intentionem efficacem determinatæ sint (2).

Imperium  
efficax, determi-  
natum ac d.  
presenti, tollit  
immediatum  
liberatum  
electionis.  
Quedam diffi-  
cultates solvit.

Tertie demum pars, quæ communior est inter Scholasticos eodem modo probatur.

108. Dices 1.<sup>o</sup> contra ultimam propositionem. Non apparet, in quo instanti sit necessaria electio unici medi ex efficaci intentione profecta. Ponamus enim finis assecutionem ex decreto voluntatis locum habere debere intra mensem. Profecto electio medi non erit prorsus necessaria usque ad ultimum instans. Atqui supposita divisibilitate infinita continui etiam successivi ac temporis, nullum assignari potest instantis ante initium sequentis, quo non sit aliud huius immediatus. Ergo nunquam de facto aderit necessitas electionis.—Respondeo negotium morale, quod ex hominum existimatione taxari solet, qualis est computatio mensis, non esse redigendum ad angustias et quisquilias instantium physicorum: quare electionem pro illo punto temporis esse necessariam, pro quo censeretur ex morali iudicio necessariam.

Dices 2.<sup>o</sup> Intentio non est causa electionis. Ergo non intelligitur, quo pacto possit necessariam reddere electionem.—Respondeo. Jam superius vidimus disputari, utrum intentio moveat ad electionem physique, an moraliter. Sed quamvis non moveat physique, necessitas electionis potest

(1) Vide S. Thom. (1 p. quest. 10, art. 3; 1. 2. quest. 13, articulo 6, ad 1.<sup>ma</sup>; quest. 10, art. 2, ad 3.<sup>ma</sup>). Suarez (*de voluntar. et involuntar.* disp. 8, sect. 4, num. 4 seqq.), Vazquez (In 1.<sup>ma</sup> 2.<sup>o</sup> disp. 43, cap. 4), Valentia (In 1.<sup>ma</sup> 2.<sup>o</sup> disp. 2, quest. 8, punct. 4), Salas (In 1.<sup>ma</sup> 2.<sup>o</sup> tract. 6, disp. 1, sect. 5, num. 38), Bartholom. Medina (In 1.<sup>ma</sup> 2.<sup>o</sup> quest. 13, art. 6), Cajetan, et Conradum (In 1.<sup>ma</sup> 2.<sup>o</sup> quest. 13, art. 6), Ferrariensem (In 1.<sup>ma</sup> Contr. Gent. esp. 38), Azor (*Instit. moral.* tom. 1, lib. 1, cap. 26, quest. 8), Oviedo (*de anim. Controv.* 11. punct. 3), Soarez lusitan. (*de anim.* tract. 6, disp. 1, sect. 4, paragr. 3, num. 90), Lossada (*de anim.* disp. 9, cap. 6, num. 129.)

(2) Lossada, loc. cit. num. 120.

provenire ex potentiarum naturali consensione, quæ postulat, ut voluntas, posita efficaci intentione, determinata sit ad eligendum.

Dices 3.<sup>o</sup> Interdum appetit quis absolute beatitudinem in communi vel in particulari, et tamen non eligit observantiam mandatorum in communi nec in particulari, quamquam judicit eam esse necessariam ad assequendam beatitudinem—Respondeo, id accidere vel quia reapse non appetitur efficaciter hæc et nunc beatitudine, vel quia appetitus efficax, qui forte adfuit, non perduravit, et propterea non sequitur electio mediorum.

Dices 4.<sup>o</sup> Si intentio efficax necessario induceret electionem, hæc sicut in se ipsa jam non foret immediate libera, sed solum mediate et in causa, videlicet per ordinem ad intentionem, ita nec proprium ac peculiari habere posset meritum, sed tantum meritum intentionis. Atqui hoc falsum est: nam qui martyrum subit ex intentione propagandæ fideli, magis profecto meretur, quam qui solam habet voluntatem propagandi fidem. Ergo ex electione medi, quod necessarium reputatur ad assecutionem finis, novum accrescere potest meritum, ac proinde medi electio immediate et in se libera esse debet. Eademque difficultas fit contra necessitatem actus imperati provenientem ex imperio efficaci ac determinato—Respondeo, neg. Major. ex multorum sententia (1); nam meritum non existit ex sola libertate, sed insuper ex intrinsecâ bonitate actus, electio vero efficacem intentionem secuta, potest habere propriam et intrinsecam bonitatem atque honestatem, quam non ammitit ex eo quod ponatur ex intentione finis; atque idem censendum est de actu imperato. Cum itaque hæc bonitas angetur bonitati intentionis et actus imperanti, angetur quoque meritum, licet actus ipse imperatus et electionis non sit immediate liber; fere sicut in eodem numerice actu si plura motiva distincta

(1) Vide Suarez (loc. cit. num. 6), Vazquez (loc. cit. num. 24), Azor (loc. cit. quest. 8), Ripalda (*De Ente supernaturali*, disp. 68, sec. 4), Salas (In 1.<sup>ma</sup> 2.<sup>o</sup> loc. cit. ad 5.<sup>ma</sup>, num. 40), Oviedo (loc. cit. punct. 3, num. 16), Soarez lusitan. (loc. cit. num. 92), Lossada (loc. cit. num. 129).

virtutis concurrent, majus est meritum, quia meritum crescit ex incremento cuiuslibet constitutivi. Nec est eadem ratio de actionibus externis, quae ideo non dicuntur augere meritum supra meritum interiorum, quia ex longe communiori sententia non important propriam et intrinsecam bonitatem.

Dices 5.<sup>o</sup> Quisque appetitu efficaci desiderat beatitudinem perfectam. Atqui ad obtinendan beatitudinem perfectam necesse est mori; nam illam in hac vita non licet adipisci. Ergo si vera foret propositio nostra, deberemus desiderare, imino eligere mori. Hoc argumentum fuse pertrahat P. Bartholomeus de Medina (1) — Responso vero non mihi videtur ardua. In primis puto a plerisque raro appeti, vel intendi efficaciter perfectam beatitudinem paratam in cœlis. Deinde dico mortem horrii ab appetitu sensitivo, ac sepe etiam a rationali, quia potest esse medium non solum ad perfectam beatitudinem, sed etiam ad summam et sempiternam infelicitatem. Ergo non mors simpliciter, sed mors bona duntaxat est medium necessarium ad perfectam felicitatem. Tertio mortem non esse medium, quod fas sit homini eligere proprio motu, sed acceptare, quando veniat, et sancte obire, ac sancte se ad illam præparare. Itaque illi, qui efficaciter intendit perfectam beatitudinem, medium non est mori, sed diligenter se ad sanctam mortem præparare, vel eandem procurare. Atqui procul dubio asserendum est, quicumque vult, et quamdiu vult efficaciter perfectam beatitudinem, non posse non sead sanctam mortem præparare, quod qui non facit, signum est perspicuum, eum reipse non efficaciter appetere finem.

Dices 6.<sup>o</sup> Voluntas in momento temporis, quo imperat actum aliquem de praesenti, habet in actu primo immediatam libertatem ad actum imperatum ponendum vel non ponendum, siquidem habet circa objectum illius cognitionem proponentem rationes, quibus attrahatur, et retrahatur. Huic autem immediata libertati respondere debet suum exercitium, quod non est aliud præcise, quam actus ipse imperatus. Ergo actus imperatus, utpote exercitium libertatis immediate in actu primo, debet esse immediate liber, et non

necessarius — Respondeo. «Datur quidem in actu primo immediata libertas ad actum imperabilem, sed quæ respicit illum ut ponendum in sensu diviso a necessitate immediata, adeoque ut conjunctum cum omissione imperii efficacis non enim illum immediate respicit ut imperatum, sed potius ut non imperatum. Itaque in eo instanti libertas immediata in actu primo, disjunctum respicit exercitia duo, scilicet vel imperium necessitanum ad actum imperatum, vel actum istum ut sine imperio elicendum: quorum quolibet posito, jam respondet ei libertati suum exercitium. Nec tunc adsumt in actu primo duas libertates invicem independentes, quia immediata libertas ad actum imperabilem debet includere vel carentiam potestatis ad imperandum, vel potestatem omitendi imperium» (1).

## ARTICULUS VII.

Darine possit pura omissio libera.

109. Post declarata genera actuum, in quibus est, vel non est libertas, sequitur, ut investigemus, utrum etiam exerceri libertas queat omittinge actum, seu nullum ponendo actum. Quæstio vero breviter non tam discutienda, quam proponenda est in gratiam Theologorum, a quibus non solum tractari ea solet, sed etiam quædam alia eandem subaudientia, ut v. g. an pura omissione sit peccaminosa, vel possit esse meritoria. In primis autem, ut terminorum vim percipias, id pre oculis habendum tibi est, omissionem, que generatim importat carentiam actus, posse esse duplē, puram et non puram. Omissione non pura est ea, que procedit ex positivo actu voluntatis incompossibili cum actu omisso: sic omittit amorem Petri, qui odio habet illum, vel habet actum nolendi amorem. Quæ omissio, ut vides, potest causari ab alio actu vel directe, vel indirecte: directe, volendo omittere quod quis facere potest, vel tenetur; indirecte vero aut occasionaliter, quando actus ille aliud intendit, unde necessario sequitur

Status questionis declaratur.

Quid omissione non pura,

et quorūpli modo habeatur:

(1) In 1.<sup>am</sup> 2.<sup>us</sup>, quæst. 5, art. 7, ad 2.<sup>um</sup> argumentum.

(1) Lossada, loc. cit. num. 128, ubi legi queant quæ sequuntur.

quid omissionis  
purae.

In quo conve-  
niunt auctores.

et in quo  
discerpunt; pri-  
ma opinio.

omissionis, ut si orationem omittas, quia somno vel ludo indulges (1). Omissionem hujusmodi non puram passim dari, extra omnem controversiam est, quia experientia ipsa innescit; ac dubium versatur circa omissionem duxat puram, cuius nomine intelligitur omissionis, qua a nullo actu positivo, sive directe sive indirecte, procedit, ac proinde consistit in mera suspensione actus, quemadmodum si omittas Dei amorem, ita ut nec habeas actum odii, nec reflexam nolitionem amandi, nec alium actum voluntatis incompossibilem cum amore.

Probe autem nota non disputari de possibilitate omissionis purae necessariae, sed tantum liberae; nemo enim negat dari posse puram omissionem necessariam, eam nempe que datur ex defectu aliquius necessarii prærequisiti ad operandum, ut si v. g. desit objecti propositio per judicium practicum (2) ex parte intellectus, aut etiam divinus concursus ad actum omnissim; tunc enim non potest non pure omitti actus. Nota etiam multos scriptores possibilitem omissionis purae tuentes, facile concedere, quod omissione saltem actus directi sit impossibilis moraliter seu ex ordinarie contingentibus, nisi intentionem ad aliud objectum distinctum aut repugnans divertendo, quia, ut ait Eximus Doctor, «difficillimum esset, existente perfecta et practica advertentia rationis, omnem actum voluntatis suspendere» (3). Controversia ergo est solum, vel certe præcipue, de physica possibiliitate. Thomistæ (4) cum multis veteribus, quibus ex nostra Societate adstipulantur cardin. Pallavicinus, Aldrete (5) et

(1) Vide Suarez, In 1.<sup>am</sup> 2.<sup>us</sup>, tract. de peccatis, disp. 3, sect. 2, num. 3; Lossada, de anim. disp. 9, cap. 4, num. 72.

(2) Vide supra num. 54, pag. 128.

(3) Suarez, loc. super cit. num. 6 et 7; *Metaphys.* disp. 19, sect. 4, num. 8. Cfr. Valentia (In 1.<sup>am</sup> 2.<sup>us</sup>, disp. 2, quest. 1, punct. 1, fin.), Lossada (de anim. disp. 9, cap. 4, num. 82).

(4) Vide Cajetan. (In 1.<sup>am</sup> part. quest. 63, art. 5 fin.), Bartholomeum Medina et Conrad. (In 1.<sup>am</sup> 2.<sup>us</sup> quest. 71 art. 5), et alios apud Salas. Medina tamen docet puram omissionem liberam esse moraliter duxat, non logice impossibilem.

(5) Apud Lossada, loc. cit.

secunda  
communior.

Quiros (1), generatim negant posse dari puram omissionem; affirmant tamen Scotiste cum Subtili Doctore (2) et alii antiquioribus (3), quibus adhæret major potiorque pars nostratum cum Francisco Suarez (4), Gregorio de Valentia (5), Didaco Ruiz de Montoya (6), Joanne Salas (7), Jacobo Granaudo (8), Joanne Martinez de Ripalda (9), Theophilo Raynaudo (10), Petro Hurtado (11), Gaspare Hurtado (12), Roderico Arriaga (13), Francisco Oviedo (14), Francisco Soarez Luisitano (15), Lossada (16), Strugge (17), aliusque. S. Thomas Mons. S. Thome ab ultrae opinione pro se adducitur. Nam non uno in loco diserte docuit, quod voluntarium potest esse absque actu, quandoque quidem absque actu exteriori cum actu interiori, sicut cum vult non agere, aliquando autem etiam absque actu interiori, sicut cum non vult agere (18); qua quidem a quibusdam adducuntur in patrocinium secundæ sententie. Prioris vero patroni alii alia producunt Aquinatis testimonia, in

(1) *Curs. philos.* disp. 100, sect. 3.

Fro hac quoque sententia laudatur a quibusdam P. Gabriel Vazquez (In 1.<sup>am</sup> 2.<sup>us</sup>, disp. 92, cap. 2), ubi longe probabiliorem dicit esse hanc opinionem, quamvis in fine concedat voluntatem, propositis duobus bonis inæqualibus, posse per breve tempus negare omnem consensum, etiam si hec omissionis actus non causet affectu alterius rei; et ideo ab alius citatur pro altera opinione.

(2) Vide apud Mastrium, *de anim.* disp. 7, quest. 4, art. 2.

(3) Apud Salas, In 1.<sup>am</sup> 2.<sup>us</sup>, tract. 3, disp. 1, sect. 3, num. 21.

(4) *Metaphys.* disp. 19, sect. 4, num. 8.

(5) In 1.<sup>am</sup> 2.<sup>us</sup>, disp. 2, quest. 1, punct. 1.

(6) *De Predestinatione*, disp. 37, sect. 1, num. 13; et disp. 42, sect. 7, num. 17.

(7) In 1.<sup>am</sup> 2.<sup>us</sup>, tract. 3, disp. 1, sect. 3, num. 21 seqq.

(8) In 1.<sup>am</sup> 2.<sup>us</sup>, controv. 2, disp. 3, num. 3.

(9) *De ente supernat.* disp. 70.

(10) *Theolog. natur.*, dist. 1, num. 33.

(11) *De anim.*, disp. 15, sect. 7.

(12) *De peccat.*, disp. 3, difficult. 17.

(13) *De anim.*, disp. 8, sect. 6; *de actib. human.* (in cursu theologiæ), disp. 7, sect. 4.

(14) *De anim.*, controv. 10, punct. 1.

(15) *De anim.*, tract. 6, disp. 1, sect. 5.

(16) *De anim.*, disp. 9, cap. 4, 5.

(17) Part. 1.<sup>o</sup> tract. 4, disp. 3, quest. 2, art. 2.

(18) S. Thom. 1. 2, quest. 6, art. 5. Cfr. 2.<sup>o</sup> dist. 35, quest. 1, art. 3 corp. ei ad 5.<sup>um</sup>; *de malo*, quest. 2, art. 1, ad 2.<sup>um</sup>